

ANGAJOOQAAT PEQATIGALUGIT AQQUTISSIUUSSINEQ



Tunngavigisat

Majoriamut inatsit (Suliffissanut, ilitsersuisarnermut pikkorissaq-qinnernullu qitiusumik ingerlatsiviit pillugit Inatsisartut inatsisaat nr. 28, 9. december 2015-imeersoq) 1. januar 2016-imi atortuulersinneqarpoq.

Inatsit taanna aallaavigalugu Majoriaq neqerooruteqassaaq atuagarsornermik (Meeqqat atuarianni inaarutaasumik misilitsinnermik) ingerlataqarnissamik.

Atuartut atuagarsornermik ingerlataqalertinnagit, Majoriap neqeroorutigisinnaavaa atuagarsornertaqanngitsumik ingerlataqarneq, atuartoq atuagarsornermik ingerlataqarsinnaansaanut piareersarlugu.

Naalackersuisut suliffeqarnermut periusissiaanni 2022-2024-mut Naalackersuisut allapput, angajoqqaat peqatigalugit aqutissiuussineq Majoriami ilanngunneqartariaqartoq.

Angajoqqaat peqatigalugit aqutissiuussineq paasineqassaaq, angajoqqaat aamma Majoriami ilitsersorneqarsinnaasut. Angajoqqaat ilitsersorneqarsinnaassapput, taamaalillutik paasissutis-sanik nassaarsinnaanngorlutik meeqqatik ilinniakkamut suliffisamulluunniit kissaatigisaannut aqutissiuusinnaanngortillugit.

Angajoqqaat peqatigalugit aqutissiuussineq

Angajoqqaat peqatigalugit aqutissiuussinerup siunertaa

- ◇ Ilitsersuinnermut meeqqaminnillu pikkorissaqqinnermik ingerlataqarnera aamma ilinniartitaanermut pilersaarusioreqarnera pillugit angajoqqaat ilaatinneqarnissaat.
- ◇ Ilinniartitaanerup aqqissugaanera aamma ilinniaqqissinnaanermut piumasaqaatit pillugit angajoqqaat paasititsiniaavigalugit ilisimatillugillu.
- ◇ Inuusuttut ilinniartitaanermut kissaataat piginnaasaallu tunngavigalugit eqqarsaatigilluakkamik toqqaanissaannut ikiuineq pillugu angajoqqaanik pikkorissaaneq.
- ◇ Ilitsersuinnermut paasissutissat neqeroorutillu, ilanngullugu IT-mik tunngaveqartunik neqeroorutit, pillugit nammineq ujartuinissamut atuinissamullu angajoqqaat piginnaaneqalersillugit.
- ◇ Pikkorissaqqinnerup ingerlanneqarneranut angajoqqaat peqataatillugit.
- ◇ Pikkorissaqqinnerup ingerlanneqarneranut angajoqqaat siornatigut misilittagaannik atuineq.
- ◇ Suliamut piumasaqaatinut suliniutinullu naleqqiullugu angajoqqaat inuusuttut ilinniagaqarnissamik kissaataannut paasititsiniaavigalugit.
- ◇ Meeraq immikkut ikiorneqarnissamik pisariaqartitsippat (tarnip pissusaanik ilisimasalik, atornerluinnermik ajornartorsiut il.il.) neqeroorutit atorneqarsinnaasut suunersut.

Oqaloqatigiinnerit

Angajoqqaat tamarmik ukiup atuarfiusup ingerlanerani oqaloqatigiinnissamut minnerpaamik marloriarlutik neqeroorfigineqasapput.

Meeraq siullermeerluni Majoriami pikkorissaqqinnissamut ingerlataqarnissaq pillugu saaffiginnissuteqarpat, angajoqqaat qaaqquneqartassapput.

Oqaloqatigiinneq siullec: inuusuttup siunissaanik pilersaarutit pillugit nassuiaaneq. Anguniakkat qanoq iliorluni anguneqasappat, Majoriaq aamma ilinniartitaanermut periarfissat pillugit sumi paasissutissanik ujarlertoqarsinnaava. Oqaloqatigiinnerup malitseqarnissaa isumaqatigiissutigineqarsinnaavoq.

Oqaloqatigiinnerit aappaat: oqaloqatigiinnermut siullermut malitseqartitsineq. Ilinniartitaaneq sulilernissarluunniit pillugu inuusuttup sammisassai eqqarsaatigalugit inaarutaasumik aalajangiineq pillugu paasinarsarneqassaaq.

Meeraq kajumissaartarsiuk

1. Meeraq iluatsitsinermik, angisuujuppat mikisuuppalluunniit, misigisaqarnissaa isumagisiuk. Meeqqap pikkoriffigisaa pillugu ujartueqatigisiuk.
2. Meeqqap eqqortumik iliornissaa ajornanginnerulersissiiuk: piffissaq eqqorlugu takkuttarneq, atuartitaanernut tamanut takkuttarneq, meeraq ilinniagassaqaqarnersoq aperisiuk, ilinniagasaanillu ikiortariaqarpat ikiorlugu, aamma sulineq ajunngitsoq pillugu assersuusioritsi.
3. Suliai pillugit sumut atorneqarsinnaanersut takutissiiuk – inuunermi piviusumi imaluunniit nammineq inuunerani.

4. Meeraq nammineersinnaalernissaanut piffissamik periarfissiguk: Ullaakkut makinnissaat pillugu ilinniartissiuk – nammineq piffissaq atugassaa pilersaarusiortissiuk.
5. Inummut tunngasumik nersuaalarinninnerit ikilissigut («Pikkoreqaatit», «Kusanaq»), iliuuseqarnermut sammisumik tigussaasumik nersuaalarinnigitsi («Aallaqqaasiinerit paa-sissutissanik imaqarluarami torrallappat», «Uani ilinniakke-rinermi aallussinerit ajunngeqaaq»).
6. Ilinniakkerinermi ileqqut pitsaasut sungiusartikkitt: Allaffik qanoq iluseqassava, aallussineq qanoq aqunneqassava, piunassuseerunneq qanoq qaangerneqassava, akornuser-suisut qanoq aqunneqassappat, qanoq pilersaarusiorto-qassava.
7. Naatsorsuutigissanngilarsi meeqqap qarasaasiaq angal-lattakkap/Ipadiip/pinnguaatip nammineq aqussinnaangaa, aamma ikumatiinnarnissaat pinaveersaarsiuk. Aalajanger-siuk qaqugukkut atorneqassanersut qaqugukkullu atorne-qassannginnersut. Skærmip savani issiaannarnissaq pina-veersaartissiuk, aamma meeqqap qarasaasiamit/Ipadimit/pinnguaammit aqunneqalernissaa pinaveersaartinniarlugu sungiusartissiuk.
8. Meeqqamut tatiginninneq qanilaartuunerlu pingaartissiuk, taamaasilluni atalluni misiginiassammagu.

Kajumissaarinerit assigiinngitsut

Ilisimasat pillugit: Atuartitsissummut soqutiginnippat paasisaqarnerunissaminullu kissaateqarpat.

Sapinngisat pillugit: Suliassat naammassisinnaallugit misigippat aamma ilikkagaqarusulluni misigippat.

Naammassisaqarneq pillugu: Qaavatigut suliaqarneq nersua-laarinnissutaappat imaluunniit karakterinik qaffasinnerusunik pissarsilluni sulilu naammassisaqarnerusulerluni.

Attuumassuteqarneq pillugu: Majoriami ataatsimoornermut atasutut misigisimappat. Atuartitsinermi peqataanissamut kajuminnerulersitsissaaq.

Peqataalersitsineq pillugu: Angerlarsimaffimmi aalajangeeqataa-sarneq, soorlu iganermi, eqqiaanermi. Nammineq pigisaqarner-mik misigilersitsisarput namminerlu inuunerminnik suliaqarnissa-mik kajuminnerulersitsilluni.

Meeqqavit Majoriamiittarnini nuannarinngippagu ilinnut paasisutissat

Majoriami pikkorissaqqinneq artornarsinnaavoq. Kikkut tamarmik ukioq kingulleq ataatsimuussuseq qanoq pitsaatigisoq eqqarto-raangamikku amerlanertigut puigorneqartarpoq, ataasiakkaanut nukittorsarnerani qanoq annertutigisumik piumasaqaateqartigi-nersoq taamaattumillu pissusissamisoortumik piffissap ingerla-nerani pakatsinerit unammillernartullu takkuttarlutik.

Eqqumiiginangitsumik Majoriami aallartinneq artornasinnaavoq meeqqat atuarfiattut isikkoqartoq kisianni allaanerusoq. Inuusut-tunut amerlanernut allannguineq annertoq siullermillu misigisaq. Taamaattoq allannguineq artornaraluarluni sungiusarfigissallugu pitsaasuvoq – meeqqammi inuunermi allannguutininik misigisa-qartuartaassaavoq.

Inuusuttut ilaannut Majoriami inissinnissaq mattuniarnermik piumasaqaateqartarpoq. Akerlianilli amerlanernut iluatsittarpoq. Pingaartumik inuusuttup misilittagaanut misigisartagaanullu

tunngatillugu unammilligassai pillugit atuarfiup angerlarsimaffiullu akornanni suleqatigiinneq ajunngitsumik ingerlagaangat.

TAAMAATTUMIK MAJORIAQ TAMATIGUT ATTAVEQARFIGISIUK, MEERARSI UNIINNASSALLUNI EQQARSAATIMINIK ANNISSUI-LERPAT. SIUSINNERUSUMIK PAASISAQARUTTA, PITSAANE-RUSUMIK IKIUISINNAAVUGUT.

Atuartut assigiinngitsut – assigiinngitsumik qisuariartarput – assigiinngitsunik pissuteqarlutik

Misilittakkat takutippaatigut, unammillernartut qanoq isikkoqar-nersut sukumiisumik misissuisoqartariaqartoq. Inuusuttut ilaasa oqaluttuarineq ajorpaat, sunarpiaq nuannarinagu – imaassinnaavoq kanngusuttut, amerlasuummi nalusarpaat sunarpiaq ajoqutaanersoq, kisianni ersernerluttumik toqqissisimanatik iluamillu inissisimanatik misigisarlugu. Aamma Majoriami ulloq siulleg pilluarneq misigisassatut inuusuttup takorluugaaniit allaanerusinnaavoq.

Inuusuttoq Majoriami aallartinniarluni aamma illoqarfimmiit nunaqarfimmiilluunniit allamiit tikissimasinnaavoq, pissusissamisoortumillu amerlasuut ikinngutit ilaquuttallu maqaasisarlugit. Amerlanerit piffissap ingerlanerani taamatut misigisarput, kisianni atuartut ilaannut maqaasineq ima sakkortutigisarpoq allaat angerlarsilerlutik – misigisaq Majoriami inooqataanermi, sunik tamanik pisoqarfiusumi nutaanillu ilisarisisamasanik naapitsiffiusumi, artornarsinnaasoq.

Ilanngullugu nalinginnaasuvoq, inuusuttup Majoriamiinnini nuannarinagu angerlasimaffimmini oqaluttuarigaa – kisianni Majoriami uagut misigalutigu inuusuttoq nuannaartutut ingerlalluartutullu pissusilersortoq. Imaluunniit paarlattuanik. Taamatut pisoqartillugu immikkut pingaaruteqarpoq, peqatigiilluta mисissusagipput, assigiinngissut taanna soq takusinnaanerlutigu.

Imatut ikiuisassaagut!

Inuusuttunut ataatsimoorutaavoq, inersimasunik ikiorneqarnis-saat pingaaruteqarmat. Namminneq qisuariaatitik ilikkarfigissa-vaat isumassarsiffigalugillu unammillernartitartik pillugit qanoq iliuuseqassanerlutik – akerliganik tunniutiinnarnatik, unitsitsillutik imaluunniit angerlamut aallarlutik.

Taamaattumik oqaloqatigiinnissamut qaaqquusivugut, ilissi anga-joqqaatut, ilitsersuisoq aamma inuusuttoq tamassi ataatsimoor-tillusi. Oqaloqatigiinnermi ilissi, uagut inuusuttorlu amerlanertigut paasisaqartarpugut, ataatsimoorluta ajornartorsiut qulaajaaffi-gisinnaagatsigu, inuusuttummi Majoriami ataqatigiinnernut assi-giinngitsunut attuumassuteqarnera kiisalu angerlarsimaffimmi avatangiisit pillugit siammasissumik soqutiginnikkatta. Tamanna tunngavigalugu ataatsimoorluta Majoriamut samminerusumik nuannarinninnerulerneq aallartissinnaavarput. Inuusuttut pillugit annertuumik misilittagaqarpugut – aamma artorsateqaraangata – nassatatsinni isumassarsiarpassuarnik peqarpugut ataatsi-moorluta qanoq allannguineramik pilersitsisinnaanerluta.

Makkua maluginiartarpagut:

Inuusuttoq timikkut tarnikkullu qasuva – aallartinneq imaannaasi-manngilaq allaat eqqissisimaarnermik qasuersaarnermillu pisaria-qartitsiviulluni silarsuaq nutaaq tamarmi inissinniassammat.

Inuusuttoq arlaannik nalorninartorsiorpa tarnikkullu akimmiffiga-lugu. Assersuutigalugu atuarnikkut inuttulluunniit unamminartut inuusuttup ernumassutigaa iliuuseqarfigineqassanngitsutut. Imaassinnaavoq inersimasunut kammalaatinullu tunngasut ernumassutigigai.

Attuumassutit nutaat akornanni kiggigussaasutut misigiva?
Soorlu sinittarfeqataasumit imaluunniit atuarfimmi arlaannit naalagaaniartumit imaluunniit nammineq oqaluttuaa iliuusaa-luunniit inuusuttumut ernumasitsiva.

Inuusuttoq nammineq iliuuseqarpa anigoruminaatsumik. Soorlu ilaanni aallartinnermi meeqqat atuarfianni karakterit pillugit ajoru-manngippallaarluni – maannakkullu annilaagassutigalugu angu-

sinngitsoornissani. Immaqaluunniit kammalaatigiit ilannguffigisai unittoortitsippat.

Inuusuttoq angerlarsimaffimmini annerusumik minnerusumilluunniit akisussaassuseqarfeqarpa taamaattumillu peqanngittarnini artorsaatigalugu? Soorlu ilaqutaasinnaavoq inuusuttup ”paarisallugu” sungiussimasaa, immaqalu Majoriami ingerlataqarneq eqqarsaatigalugu ”qimaaffittut”.


Imaappa sionatigut ajornartorsiutinik utertoornersooq, inuusuttup neriuutigalugu Majoriami aallartikkuni nammineerluni tammarumaartoq – kisianni maannakkut takkuteqqittoq? Soorlu kiserliorneq aamma inunnik allanik attuumassuteqalernissamik ajornartorsiuteqarneq.

Inuusuttup aatsaat siullermeerluni ”artorsaatiniq aqqusaagaa” tassungalu atatillugu iliuuseqarnissamut periusissaaruppa? Imaassinnaasoq inuusuttoq toqqissisimanartumik avatangiiseqarluni aamma ikinnguterpasuaqarluni immaqalu saqqumilaartumik inissisimalluni inuusimasooq. Majoriami imminut napatinriarluni aatsaat misigalugu attuumassuteqarfissaminik suliaqarnialerluni ataatsimoorfimmilu inissinnialerluni.

Inuusuttup angerlarusulluni oqaluppa angajoqqaanit, inersimasunit imaluunniit Majoriami ikinngutinit eqqumaffigineqarusulluni, pissutigalugu inuusuttoq eqqumaffigineqarneq allaanersooq nuannernerusorlu ajornarnerutillugu?

Inuusuttoq arnaateqarpa imaluunniit ikinnguteqarpa ilagerusunnerusaminik – imaluunniit Majoriamiit piffissaq sioqqullugu inuusuttumik angerlartitsiniaasumik.

Inuusuttup aatsaat siullermeerluni ”artorsaatiniq aqqusaagaa” tassungalu atatillugu iliuuseqarnissamut periusissaaruppa? Imaassinnaasoq inuusuttoq toqqissisimanartumik avatangiiseqarluni aamma ikinnguterpasuaqarluni immaqalu saqqumilaartumik inissisimalluni inuusimasooq. Majoriami imminut napatinriarluni aatsaat misigalugu attuumas-



suteqarfissaminik suliaqarnialerluni ataatsimoorfimmilu inissinialerluni.

Inuusuttup angerlarusulluni oqaluppa angajoqqaanit, inersimasunit imaluunniit Majoriami ikinngutinit eqqumaffigineqarusulluni, pissutigalugu inuusuttoq eqqumaffigineqarneq allaanerusoq nuannernerusorlu ajornarnerutillugu?

Inuusuttoq arnaateqarpa imaluunniit ikinnguteqarpa ilagerusunerusaminik – imaluunniit Majoriamiit piffissaq sioqqullugu inuusuttumik angerlartitsiniaasumik.

Angajoqqaat atuuffiat

Majoriaq peqatigalugu ilissi angajoqqaatut inuusuttoq ersarissumik oqaloqatigisinnaavar-si tapersorsorlugulu:

Pissusissamisoortoq toqqissisimangikkaani. Qularnangitsumik piffissami sivisulaartumi toqqissisimanassanngitsoq, kisianni ajunnginnerulerumaartoq. Erseqqissassavarsi, inuusuttoq ilungersuuteqaruni ajorunnangitsoq.

Inuunermi misilittakkanik inuusuttoq aallartitsoq: toqqissisimangitsoq qaangiukkumaartoq nutaamillu aallaaveqarlerluni. Inuusuttup siunissaani allannguinerit amerlasuut anner-tuullu takkuttarumaarput, ilinniagaqalernermi, angerlarsimaffimmiit nuunnermi il.il.

Ilissi angajoqqaatut aamma inuusuttumut nassuiaasinnaavusi – immaqalu nammineq inuunissinniit assersuusiorlusi.

Nuanninngitsunik misilittagaqarpugut angajoqqaat...

Arlaannik pissuteqarluni Majoriamut attaveqarnis-saq utaqqisneqarpat, malugisaqarunik imaluun-niit paasisaqarunik inuusuttoq nuannaangitsoq. Eqqaamallugu misigissutsit, inuttut ajornartorsiutit, ilaqutariittut unammillernartut, nalorninerit, arlaal-luunniit oqaloqatigiissutisinnaavagut – suna tamaat iluarsisinnaangilarput – kisianni misiliinissatsinnut periarfissinneqarusuppugut, ilissiluunniit takorloo-ruminaatsikkaluarussiuk qanoq iliuseqarfigineqar-sinnaanersoq.

Inuusuttoq isumaqatigiissusiorfigingussiuk piler-saarusioqatigalugulu Majoriaq ilaatinagu – soorlu piffissamik killilersuineq: ”Juullip tungaanut misilin-niaruk, sulii nuannarinngikkukku taava unitsissavat”. Isumaqatigiissut taamatut ittoq amerlanertigut inuusuttumut isumaqalersitsisarpoq Majoriami pikkorissaqqinneq utaqqiisaagallartutut ingerlan-neqartoq ataatsimoornissamullu unitsitsisarluni. Akerliganik ilissi ilaatilerutsigut, peqatigiilluta nas-saariniassavarput isumaqatigiissut sorleq tulluarner-paanersoq.

Namminneq nalorninertik ernumanertillu inuusuttumut tutsillugu. Pissusissamisoorpoq inuusuttoq nuannaangippat nalornilerluni ernumalerlunilu. Inuusuttumut tunngatillugu ilissi aalajangiusi-massaasi nalornerpasinnasilu. Akerliganik ilissi tikilluaqqusaavusi ernumagisasi pillugit oqaloqatiginissatsinnut – inuusuttut pillugit annertuumik misilittagaqarpugut, peqatigiilluta ernumagisasi pillugit qanoq qisuariarfigissanerlugit nassaarissavarput.

Ilanngullugu tatigisiuk uagut meerarsi paarilluassagatsigu. Tar-nikkut peqqissusaat aamma namminneq artornartoq qaanger-luarniarlugu piginnaasaat pillugu ernumalerutta erseqqissumik oqassaagut.

Ataatsimoornerit pillugit pingaarutillit

Ataatsimoornerit pitsaanerpaamik atuuttarput, aallussilluta atalerutta. Inuttut attuumassuteqarnerit pitsaasut aatsaat pilersarput, illuatungeriilluta immitsinnut pilliutigisinnaagutta takutillugulu manna aallunniarlugu – ajornanngitsuinnaanngikkaluarpalluunniit.

Atuartut ikinngutiminnut uteqattaartumik oqaluttut immaqa atuarfimmikkusunnatik, siullermik oqarfigineqartarput nuannersumik "Qaa, maaniinniarit, nuannaraatsigit". Taamatut oqarfigineqarluni kissalaartarpoq, kisianni atuartoq ajoraluartumik aamma pikkunaallortitsivoq ("Immaqa maaneeqatigerusungilassi"), tamanna aamma ataatsimoornermut sakkortuumut atalernissamut inuusuttup periarfissai ajornerulersittarpai.

Taamaattumik peqatigiilluta inuusuttoq ikiorlugu oqartissavarput:

"Ataatsimoornermut aamma Majoriami ingerlataqarnermut ilaarusuppunga. Maannakkorpiaq uannut ajornakusuunginnarpoq aamma qaangernissaanut ikiorneqarnissamik pisariaqartitsivunga".



Innersuussissutit misissuinissinni atorsinnaasasi

Majoriaq

https://iserasuaat.gl/emner/majoriaq?sc_lang=da

Kalaallit Nunaanni ilinniartitaanerit

https://www.sullissivik.gl/Emner/Uddannelse?sc_lang=da-DK

Danmarkimi ilinniartitaanerit

<https://www.ug.dk/>

Ilinniartitaaneq pillugu qinnuteqaat

<https://www.sullissivik.gl/Emner/Uddannelse/Uddannelser>

Ikiuineq

<https://aqqut.gl/>

Nuna tamakkerlugu ilitersuisarfik, paasissutissanik ujaasiffik suna pillugu ikiorneqarsinnaanerluni.

<https://paarisa.gl/>

Paarisa, ilaatigut paasissutissat makkua pillugit, Inuunerinneq, Pujortartarunnaarneq, Imigassamik ajornartorsiuteqarneq, Imminut toqunnissamik eqqarsaateqarneq aamma Kinguaassiuutitigut innarliinerit.

Kommuner

<https://www.kujalleq.gl/> - Kommune Kujalleq

<https://sermersooq.gl/> - Kommuneqarfik Sermersooq

<https://qeqqata.gl/> - Qeqqata Kommunia

<https://www.qeqertalik.gl/> - Kommune Qeqertalik

<https://avannaata.gl/> - Avannaata Kommunia

MitID

https://www.sullissivik.gl/Emner/B_MitID/

[Video guides til online oprettelse af MitID](#)

<https://www.mitid.dk/?language=da-dk>